

Cumün da Val Müstair



Regulativ Fondo Pader Theodos

Regulativ „Fondo Pader Theodos“

1. Introducziun

Il „fondo Pader Theodos“ as cumpuona da differents contos specials, chi gnivan administrats fin dal 1967 sur chaschas separadas. In seguit es il chapital gnü integrà illa contabilità dal anteriur cumün da Müstair, a partir dals 01.01.2009 illa bilantscha dal cumün da Val Müstair, suot il nom **“Fondo Pader Theodos”**.

2. Cumposiziun dal chapital (stadi dal saldo dal 1967, pro la fuormaziun dal fondo)

Il chapital dal fondo as cumpuona da:

➤ donaziun da la clostra d'Ingenbohl, in occasiun da la festa commemorativa dal 1965 „100 ons mort da Pader Theodos“	fr. 20'000.00
➤ donaziun da la clostra da Menzingen in occasiun da la festa commemorativa dal 1965 „100 ons mort da Pader Theodos“	fr. 20'000.00
➤ conto pel monumaint da Pader Theodos, chasa da scoula	fr. 5'361.05
➤ stipendi pader Crispin Foffa	fr. 5'244.05
➤ stipendi Jon Battista Pitsch	fr. 5'246.00
➤ cudesch da respargn (festa 1938)	fr. 315.50
➤ chascha da mansterans Müstair	fr. 7'719.85
➤ società populara Müstair	fr. 925.50
➤ donaziun „duonnas Bass“	fr. 4'100.00
➤ rechav festa commemorativa dal 1965 „100 ons mort da Pader Theodos“	fr. <u>7'746.45</u>
total	fr. 76'379.40

3. Augmait dal chapital

Il chapital dess gnir augmantà tras:

- ils fits bancaris
- donaziuns
- rechav our da la vendita da cartas da condolaziun
- rechav d'acziuns specialas

4. Administraziun

Il chapital dal fondo vain administrà e contabilisà da l'administraziun cumünala ed es integrà illa contabilità cumünala.

5. Cumischiun

Las dumondas da sustegn vegnan examinadas e valütadas d'üna cumischiun da 3 personas. Ella as cumpuona dal suprastant/-a dal dicasteri provedimaint social, dal chanzlist e dal contabel. La

cumischiun ha üna funcziun operativa e prepara las dumondas da sustegn pel acconsentimaint tras la suprastanza cumünala.

6. Sustegns / cundiziuns

Sustegns vegnan accordats a seguaints scopos ed a seguaintas personas:

- promoziun da la vita culturala e sociala in cumün
- imbellimaints da portada importanta in cumün
- sustegns vi da cuosts da viadi a scolaras e scolars, a studentas e students ed a giarsunas e giarsuns per lur scolaziun our d'Val.

Cundiziuns per obtgnair il sustegn:

- La persuna chi fa la dumonda da sustegn sto avair seis domicil i'l cumün da Val Müstair.
- Per obtgnair sustegns vain francada üna limita d'entrada. Decisiv es l'ultima taxaziun definitiva da las impostas chantunalas dals genituors. La limita da l'entrada suottamissa a l'imposta importa fr. 45'000.00. Da la facultà suottamissa a l'imposta quintan 10 % sco entrada.
- Sustegns vegnan accordats fin a l'età da 25 ons.
- Las dumonds da sustegn ston gnir inoltradas cul formular official dal cumün da Val Müstair, fin als 15 da november dal on curraint, a l'administraziun cumünala.

7. Chapital

Il chapital dal fondo nu das-cha suotpassar l'import da fr. 100'000.00

8. Entrada in vigur

Quist regulativ es gnü acconsenti da la radunanza cumünala dals 02.03.2011 ed aintra in vigur retroactiva süls 01.01.2011. El rimplazza ils regulativs precedents, chi stan in contradicziun cun quist regulativ.

Müstair, 03.03.2011

Cumün da Val Müstair,

Il president cumünal, Arno Lamprecht

Il chanzlist, Not Manatschal